

ԷՄԱՆՈՒԵԼ ԱՐՁՈՒՄԱՆԻ ՊԻՎԱԶՅԱՆ

Հայ բանասիրության վերջերս ունեցած կորուստների թվին ավելացավ ես մեկը. 1995 թ. մարտի 27-ին վախճանվեց միջնադարագետների լավածանոթ հայագետ, բանասիրական գիտությունների գոկտոր, Երևանի համալսարանի սրոֆեսոր էմանուել Արզումանի Պիվազյանը: Տեսողության աստիճանական նվազումը, ապա նաև վերահաս հիվանդությունը շուրջ երկու տարի արդեն նրան գրկել էին հայագիտության առանձին խնդիրներին գործնականորեն միջամտելու, քննարկումներին ու բանավեճերին մասնակցելու, ինչպես նաև հայագիտական նորագույն հրատարակություններին գրավոր կամ բանավոր անմիջապես ու պահանջկոտ արձագանքելու հնարավորությունից:

Էմ. Պիվազյանը ծնվել է Նոր Բայազետում 1920 թ.: 1937 թ. ընդունվել է Երևանի պետական համալսարանի բանասիրական ֆակուլտետ, ունկնդրել համալսարանում դասախոսող հայագիտության հեղինակություններին, հմտացել գիտական պրպտումներ կատարելու մարզում, ավարտելուց հետո մի քանի տարի ուսուցչություն պարապել, ապա՝ 1947-ին ընդունվել է ասպիրանտուրա՝ հայոց հին և միջնադարյան դրականության մեջ մասնագիտանալու Ի դեպ, ուսանելու տարիներին արդեն նա ապացուցել էր մատենագրությունը զբաղվելու իր կարողությունն ու նվիրումը. 1941 թ. «Ուսանողական գիտական աշխատությունների ժողովածուում» (№ 3, էջ 163—196) տպագրվել էր նրա անդրանիկ հետազոտությունը՝ «Վահագնի, Արտավազդի, Տորթի առասպելները և նրանց դրական մշակումները»: Քսանմեկ տարեկան երիտասարդի համար սա, անշուշտ, խոսուն վկայություն էր, թե հետաքրքրությունների զարգացումը ինչ հանգրվանի պիտի բերի: Եվ հիրավի, թեկնածուական դիսերտացիայի թեմա ընտրվեց Մխիթար Գոշի գրական ժառանգության քիչ ուսումնասիրված և գիտական հրատարակության կարոտ մասը՝ առականը:

Էմ. Պիվազյանը իր գլխավոր խնդիրներից մեկը համարեց Գոշի անունով հայտնի առականների գիտական բնագրի կազմումը, որ և կատարեց պատշաճ հմտությամբ ու բարեխղճությամբ:

Մյուս կողմից պատշաճ հմտությամբ ու բարեխղճությամբ նա միմյանց հետ համեմատել է ութ ձևագիր ընդօրինակություն (հ. ն. ա. գ. ու յ. ը՝ 1283 թ.), խմբավորել ըստ տեսակի (առասպելականը, բարոյականը, ստեղծականը), օժտել այլընթացումներով, կցել առարկայական ցանկ և հրատարակել որպես «Գրական հուշարձաններ» մատենաշարի անդրանիկ հատոր (Երևան, 1951): Վստահարար կարելի է ասել, որ Մխիթար Գոշի առականների հրատարակությամբ հիմք դրվեց հուպատեորգմյան տարիներին միջնադարյան դրական հուշարձանների գիտական հրատարակմանը: Եվ իրոք, այդ գրքին հաջորդեցին տաղերգուների նվիրված հատորները, որոնցից մեկի՝ Հովհաննես Թլկուրանցու աշխատասիրողը դարձավ էմ. Պիվազյանն է (Երևան, 1960): Բնադրեր ուսումնասիրելու մեկ տասնամյա փորձը զգացվում է Թլկուրանցու տաղերի հրատարակության թե՛ հետազոտական, թե՛ տեքստերի հրատարակման բաժիններում: Շարադրանքը առավել ամփոփ է ու զգուշավոր, չկան անհարկի ընդհանրացման փորձեր, իսկ «Մանոթություններ և բանասիրական գիտություններ» հատվածում արծարծված են մատենագիտական-աղբյուրագիտական բնույթի բազմաթիվ խնդիրներ:

Էմ. Պիվազյանի կիրառած գիտական մոտեցումներն ու համոզումները հստակորեն շարադրված են նաև բնագրական աշխատանքներին վերաբերող նրա պահանջկոտ ու շիտակ գրախոսություններում: Այսպես, նա գտնում էր, որ հետազոտողը չպիտի տարվի ուսումնասիրող թեմայով այնքան, որ խանգարվի անաչառ մոտեցումն ու զնահատումը (ՊՐԸ, 1959, № 1, էջ 256) և ապա՝ «Անցյալի ժառանգությունը ուսումնասիրելիս պետք է նկատի ունենալ, որ ամեն ինչ չէ արժեքավոր ու կարևոր: Կան նաև սակավարժեք գործեր ու գործիչներ, որոնք չպետք է զնահատվեն իրենց իրական արժեքի բարձր, հակառակ դեպքում աղավաղվում է մեր կուլտուրայի ու գրականության զարգացման ընթացքի պատկերը» (ն. տ., էջ 262—263): Եվ եթե տեսնում էր նման խաթարում-

ներ՝ ասում էր բաց ու անվարան: Մասնավորապես, գնահատության ու րենադատության ամփոփիչ խոսք է հանդուցյալի «Դիտողություններն Վիգնադարյան տաղերգուներն» գիտական մատենաշարի մասին» ձեռնարկային կիրառություն ունեցող գրախոսությունը (սթանբուրի Երևանի համալսարանին, 1968, № 2, էջ 239—254):

Հայոց լեզվի պատմության, ինչպես նաև ձևագրագիտության ու հնագրության մարդկրում ունեցած իր պատշաճ պատրաստությունը հնարավորություն էր տալիս խոսք ասելու միջնադարագիտության շատ բնագավառներում: Բնավ պատահական չէ, որ նա առաջիններից մեկը արձագանքեց Մխիթար Գոշի «Դատաստանագրքին» հետ կապված «պատմա-բանասիրական» հոդվածներին, Ա. Գրքի և այդ հուշարձանի բնագրական հարաբերություններին: Ընդ էմ. Պիվազյանի հրատարակային և լույսը էքսպրոմտ չէր, այլ տեական ու խղճմիտ պրոպրումի արդյունք, որ ամփոփվելու էր տարիներ անց՝ «Մխիթար Գոշի «Դատաստանագրքին» բանասիրական քննություն» գրքում (1987 թ.): Այդ ոչ շատ ծավալուն մենագրությունը լուծում է սկզբունքային կարևորություն ունեցող հարց՝ ինչպիսին է «Դատաստանագրքին» խմբագրու-

թյունների ժամանակագրական հարաբերությունը, հետևաբար և՛ հեղինակային բնագրի հարցը:

Պրոֆ. էմ. Պիվազյանը իր գիտական գործունեության տարիներին առանձնակի հմտություն ու նվիրում էր ցուցաբերում խմբագրական աշխատանքի վերաբերմամբ: Մոռանալու չէ, որ նրա և Հ. Անասյունի խմբագրությամբ են լույս տեսել Վ. Հակոբյանի կազմած «Կանոնագիրք հայոց» երկու ծավալուն հատորները, նա էր համալսարանի հայագիտական կենտրոնի հրատարակությունների նախաձեռնողներից մեկն ու սրտացավ խմբագիրը, Ա. Ղտնալանյանի «Հայ գրականությունը և բանահյուսությունը» գրքի խմբագրող-ձանթագրողը: Թվարկումը կարելի է շարունակել:

էմ. Պիվազյանը «Պատմա-բանասիրական հանդեսին» խմբագրական կոլեգիայի անդամ էր, խմբագրության աշխատակից և տարիներ շարունակ իր կարողությունները գործի էր դնում հայագիտական այդ հրատարակության գիտական նվաճումները մեկ համարից մյուսը փոխանցելու համար:

Վ. Ս. ՆԱԼԻԱՆԻՑԱՆ
Պ. Մ. ՄՈՒՐԱԴՑԱՆ